



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

### ელიოზიშვილი მერაბ აბელის ძე



მ. ელიოზიშვილი

ელიოზიშვილი მერაბ აბელის ძე (18. VI. 1934, ქ. ცხინვალი, - 4. I. 2012, თბილისი), მწერალი, დრამატურგი, კინოსცენარისტი. დაამთავრა თსუ-ის აღმოსავლეთმცოდნეობის ფაკ-ტი (1957). 1971-72 იყო კინოსტუდია „ქართული ფილმის“ სცენარისტთა შემოქმედებითი გაერთიანების წევრი. პირველი მოთხრობები: „უკანასკნელი კონწიალა“, „პირველი და ოცდამეთერთმეტე დღე გვირაბში“, „ბებერი მებურნეები“ გამოაქვეყნა 1958 (ჟურნ. „ცისკარი“, N12), პირველი კრებული „მოლოდინი“ - 1961. ავტორია მოთხრობების კრებულებისა: „ბებერი მებურნეები“, „სინოს წითელი ხარები“ (1968, 2011), „წრებრუნვა“ (1988), „მოგზაურობა და ხიფათი“ (1990), „ანდერძი“ (1992), „აღმართენით!“

(1997). კრებულში „ძმანო კახელნო!“ (1975) მოთხრობებთან ერთად შეტანილია პუბლიც. წერილებიც. ავტორია საბავშვო მოთხრობებისა: „დიდედები და შვილიშვილები“ (1964; გადაღებულია ამავე სახელწ. ფილმი, 1969, რეჟ. ნ. მჭედლიძე), „კურდღლის სიზმარი“ (1988) და სხვ. ე-ის ნაწარმოებები იდგმებოდა ქართ. თეატრების სცენებზე. თბილ. რუსთაველის სახ. სახელმწ. აკად. თეატრში დაიდგა „ბებერი მებურნეები“ (1966, რეჟ. ა. ჩხარტიშვილი), „დილა მშვიდობისა, გოგო!“ (იგივე „დათვები“, 1970, რეჟ. ლ. იოსელიანი) და სხვ. მისი სცენარების მიხედვით გადაღებულია კინოფილმები - „თეთრი ქარავანი“ (1964, რეჟისორები: ე. შენგელაია, თ. მელიავა; საქართველოს კომკავშირის პრემია, 1967), „დიდი მწვანე ველი“ (1967, რეჟ. მ. კოკოჩაშვილი), სატელევიზიო ფილმი „ბებერი მებურნეები“ (1973, რეჟ. ვ. კვაჭაძე). ე-ს შესრულებული აქვს სახასიათო როლები

სხვადასხვა ფილმებში. მისი მოთხრობები თარგმნილია უცხ. ენებზე. 1994 მიენიჭა ვაჟა-ფშაველას სახ. პრემია.

**ე. 1995** დიაკვნად ეკურთხა ელიოზის სახელით. დაკრძალულია ქართვ. მწერალთა და საზ. მოღვაწეთა დიდუბის პანთეონში.

*თხზ.*: პიესები და კინოსცენარები, თბ., 1972; ბებერი მეზურნეები (მოთხრობები), თბ., 2010; მერაბ ელიოზიშვილი - 65, თბ., 2000; პიესები და კინოსცენარები, ორტომეული, თბ., 2024.

---